

瑞金縣志卷之八

雜志類

事關風教者皆錄之其有弗經置之雜志重正道也為雜志類第八

寺觀

緇黃有廬昉於後漢至吳孫權始建寺於江東建觀於方山而後延蔓江右歷晉宋齊梁暨于隋唐而宋而元名山勝地為琳宮梵宇多矣蓋異教也瑞金寺觀僅存寺三宮一觀一亦錄之志寺觀

瑞金縣志雜志類卷八

寺

勝因寺

在縣西一里舊名聖恩唐開元初建今為祝聖道場即僧會署

南塔寺

在縣南三里舊名智覺宋時肇建元大德五年僧情空重修中建佛塔七層至正庚子火於兵塔僅存邑人尹叔清復修

淨眾寺

在縣東北二里又名東山唐天祐中建正德丁丑旱適提督王都御史守仁至父老以狀聞即步往禱之果雨乃為文命有司致祭見紀述志

宮

天符宮

在縣西一里又名太子廟即道會署

觀

東明觀

在縣南一里正德庚午火今廢



仙釋

大道隱而人心惑不經之事幻化神寂  
不入也瑞金仙釋得於載紀所傳不可泯  
亦書之志仙釋

五代周

謝仙翁

名月斜常鄉人登山採樵于池側見二  
女奕謝從旁觀女食桃以核投地謝取  
仁食之奕罷恍失所在謝駭而歸于孫  
莫測後入山不知所之時有見者急追  
莫能及里人為立祠名其  
池曰仙女池翁曰謝仙翁

南唐

僧月空

招召鄉人保大中割恩出家熟五門法  
明心見性大振宗綱後住法樂寺一日  
跌坐蒲團上語諸徒曰吾塵緣已結盡  
矣當以龕接我十日後尔輩宜啓龕而  
視衆如其言至期啓之  
異香逼人坐化儼然

瑞金縣志雜類卷八





秋九月應

督府臺南李公徵由汀達虔以  
語久要返經瑞金因以邑志請  
公慨然秉筆于開先堂纂脩不  
閱月而稿成類分八卷首地輿  
次官制次學校人物宮室祀典

瑞金縣志後序

二

文章雜志紀載維實義例維新  
大書揭要細書附麗皆倣麟筆  
周語及門之士若有不能贊一  
詞者其爲義嚴而績詳而不迂  
宏深而有體大而天地窮而古  
今明而君臣上下達而人倫日



用微而鳥獸草木莫不深識而  
備錄之至於核名實廣職方辯  
善惡嚴勸懲所以勗斯人者又  
無不至是爲可稽也矣命工梓  
之以求其傳後之君子觀風采  
俗推變通時與民始終皆將於  
是乎徵焉

嘉靖癸卯冬十月既望贛州府瑞  
金縣知縣番禺趙勳謹撰

